

# Izvještaj o transparentnosti

za 2015. godinu

## SADRŽAJ

1	Pravna i vlasnička struktura .....	4
2	Upravljačka struktura .....	4
3	Članstvo u međunarodnoj mreži.....	4
4	Interna kontrola .....	5
4.1	Odgovornost uprave za kvalitet.....	5
4.2	Revizijska metodologija .....	5
4.3	Prihvatanje i zadržavanje klijenata.....	6
4.4	Učinkovito izvršavanje posla .....	6
5	Interni nadzor i provjera kvaliteta rada .....	6
6	Vanjski nadzor i provjera kvaliteta rada .....	7
7	Profesionalna etika i nezavisnost.....	7
8	Stalno stručno usavršavanje.....	7
9	Finansijski podaci .....	8
10	Primanja ovlaštenih revizora .....	8
11	Popis društava od javnog interesa na teritoriji Republike Srpske u kojima je društvo obavilo reviziju u toku 2015. godine.....	8

Svi revizori subjekata od javnog interesa koji posluju na teritoriji Republike Srpske dužni su objaviti godišnji izvještaj o transparentnosti, u skladu sa članom 45. Zakona o računovodstvu i reviziji Republike Srpske (Službeni glasnik Republike Srpske, broj 94/15). Ovaj izvještaj, kojeg pripremamo po peti put, odnosi se na godinu koja je završila 31. decembra 2015. godine i isti objavljujemo na našoj zvaničnoj internet stranici: <http://bakertillyreopinion.ba/>

Izvještaji za prethodne godine (2011., 2012., 2013., i 2014.) su također dostupni na našoj zvaničnoj web stranici: <http://bakertillyreopinion.ba/>

## 1 Pravna i vlasnička struktura

BAKER TILLY RE OPINION Društvo za reviziju d.o.o. Sarajevo (dalje u tekstu: društvo) registrovano je za računovodstvene, knjigovodstvene i revizijske djelatnosti, i porezno savjetovanje kod Općinskog suda u Sarajevu. Sjedište društva je u Sarajevu, ul. Grbavička 4.

U toku 2015. godine nije bilo promjene u pravnoj ili vlasničkoj strukturi društva (u odnosu na 2014. godinu).

Osnivač društva Baker Tilly Re Opinion d.o.o. Sarajevu je Nihad Fejzić. Visina upisanog kapitala iznosi 10.000,00 KM. Visina uplaćenog kapitala iznosi 10.000,00 KM.

Društvo posjeduje važeće licence za rad društvu za reviziju koje su izdala ministarstva finansija Federacije BiH i Republike Srpske. Društvo je obnovilo prijavu za uvrštavanje na listu revizorskih društava za pružanje usluge revizije finansijskih izvještaja investicijskih fondova u Federaciji BiH koju vodi i ažurira Komisija za vrijednosne papire Federacije BiH. Društvo posjeduje odobrenja Evropske banke za obnovu i razvoj i Svjetske banke za vršenje revizija projekata u Bosni i Hercegovini koje ove banke finansiraju, te od ljeta 2015. godine i odobrenje od Američke međunarodne agencije za razvoj – USAID.

## 2 Upravljačka struktura

Društvom upravlja osnivač na način utvrđen Statutom Društva koji je validan i važi od septembra 2014. godine.

Reviziju za svakog od klijenata društva predvodi Partner odgovoran za sprovedbu revizije; unutar mreže Baker Tilly International čije je društvo članica, izraz „Partner“ se koristi za opisivanje viših odnosno *starijih* zaposlenika, profesionalca sa značajnim, dugogodišnjim iskustvom na poslovima revizije. Direktor društva je ujedno i Partner odgovoran za sprovedbu revizije, koji je odgovoran za pružanje cjelokupne i kvalitetne usluge revizije svakom od klijenata, a kojem na angažmanu revizije asistira Menadžer revizije, tj. *senior* zaposlenik, koji je odgovoran za planiranje i koordinaciju angažmana, odabir i upravljanje timom revizora i saradnika na angažmanu, tehničko vodstvo na angažmanu, praćenje progressa revizije, komunikaciju sa Partnerom i klijentom i isporuku dokumenata o obavljenoj reviziji.

## 3 Članstvo u međunarodnoj mreži

Društvo Baker Tilly Re Opinion d.o.o. je članica Baker Tilly International mreže od 1. augusta 2013. godine.

Baker Tilly Re Opinion d.o.o. Sarajevo je nezavisna članica mreže Baker Tilly International i posluje pod imenom Baker Tilly u skladu sa sporazumom o pristupanju i sporazumom o korištenju zaštitnog znaka licence. Baker Tilly Re Opinion je nezavisna članica mreže Baker Tilly International. Baker Tilly International Limited je engleska kompanija. Baker Tilly International ne pruža profesionalne usluge klijentima. Svaka firma članica je zasebna i nezavisna pravna osoba i svaka opisuje sebe kao takvu.

Više informacija o mreži dostupno je na <http://www.bakertillyinternational.com>

## 4 Interna kontrola

U skladu sa Međunarodnim standardima kontrole kvaliteta, Međunarodnim standardima revizije i zahtjevima Međunarodnih profesionalnih standarda koje kao članica Baker Tilly International mreže imamo obavezu poštovati, uspostavili smo sistem kontrole kvaliteta koji je dizajniran na način da pruža razumno uvjerenje da društvo zajedno sa zaposlenicima posluje i ponaša se u skladu sa profesionalnim standardima, standardima struke i relevantnim zakonskim propisima, te da revizijski izvještaji društva odgovaraju datim ili nađenim okolnostima.

Osnovni principi koji definišu sistem kontrole u društvu su:

- Odgovornost uprave za kvalitet
- Profesionalna etika
- Prihvatanje i nastavak saradnje sa klijentima
- Upravljanje ljudskim resursima
- Učinkovito obavljanje poslova
- Nadzorne aktivnosti
- Dokumentovanje aktivnosti.

### 4.1 Odgovornost uprave za kvalitet

Sveobuhvatna odgovornost za sistem kontrole kvaliteta je delegirana je na gdina Fejzić Nihada, direktora društva i Partnera odgovornog za sprovedbu revizije. Operativna odgovornost za primjenu i praćenje odgovarajućih politika i procedura koje se odnose na osiguranje kvaliteta delegirana je na menadžere revizije na način da kontrolišu kvalitet angažmana za čije upravljanje nisu direktno odgovorni.

### 4.2 Revizijska metodologija

U izvršenju angažmana revizije društvo primjenjuje revizorsku metodologiju mreže kojoj pripada, a koje je usklađena sa Međunarodnim revizijskim standardima (ISA) i koja je konzistentna sa revizijskim politikama i procedurama koje definišu Međunarodni profesionalni standardi mreže. U izvršenju angažmana društvo koristi informatički revizijski paket koji sadrži datoteke i *checkliste* u kojima se dokumentuju radni zadaci, po fazama, za svaki revizijski angažman.

Ovaj informatički alat, *Caseware*, sadrži razvijene i opsežne *help screens*, upite (engl. prompts) i *cross reference* sa drugim unesenim podacima i dokumentima što predstavlja podršku članovima revizorskog tima kod donošenja odluka i sastavljanja mišljenja. Elektronski potpisi za unesene podatke i dokumente u svakoj od faza revizije osiguravaju da su zahtijevani postupci revizije dovršeni i pregledani hronološki. Dio paketa su također i etički standardi i referentna dokumentacija. Rad menadžera revizije i njegovog tima na revizijskom angažmanu, odnosno podatke i dokumente koje članovi tima unose i kreiraju u *Assure* alatu pregleda Partner u reviziji.

Društvo posjeduje odgovarajuću platformu i licencu za korištenje ovog informatičkog alata, koju obnavlja godišnje, dok se ažuriranje u metodologiji i samoj platformi vrši shodno izmjenama i dopunama relevantnih revizijskih standarda a koje objavljuje *International Auditing and Assurance Standards Board (IAASB)*, što osigurava usklađenost revizijske metodologije sa svakim od postojećih revizijskih standarda.

Mreža Baker Tilly International dozvoljava korištenje drugdje-licenciranih platformi i alata sve dok su usklađeni sa Međunarodnim revizorskim standardima i redovno ažurirani što dozvoljava reviziju finansijskih izvještaja pripremljenih u skladu sa Međunarodnim standardima finansijskog izvještavanja.

### **4.3 Prihvatanje i zadržavanje klijenata**

Društvo sprovodi postupke prihvatanja i zadržavanja odnosa s klijentima koji su u skladu sa Međunarodnim standardom kvaliteta 1, gdje je polazna tačka prikupljanje kvalitetnih informacija o klijentu prije donošenja odluke o prihvatanju i/ili nastavku saradnje. Direktor društva vrši procjenu klijenta tako što od klijenta prikuplja relevantne podatke, te analizira upravljačku strukturu i vlasništvo, vrstu poslovanja te ostale specifične kvalitativne i kvantitativne informacije koje omogućavaju prepoznavanje rizika na temelju kojih se odlučuje o prihvatanju klijenta ili o nastavku saradnje. Procedura prihvatanja i zadržavanja klijenta također podrazumijeva i rješavanje vezanih etičkih pitanja, odnosno potvrdu nezavisnosti od klijenta, objektivnost i nepostojanje konflikta interesa i, konačno, vrši se procjena raspoloživosti zaposlenih u društvu (formira se revizorski tim), koji posjeduju adekvatna znanja i sposobnosti neophodne za kvalitetno obavljanje revizijskog angažmana.

### **4.4 Učinkovito izvršavanje posla**

Revizija se obavlja u skladu sa Međunarodnim revizijskim standardima i zahtjevima regulatora i zakonodavnog tijela i u skladu sa metodologijom razvijenom od strane mreže kojoj društvo pripada a koja je također ažurirana u skladu sa Međunarodnim revizijskim standardima.

Temelj revizijskog pristupa u društvu je razumijevanje klijentovih poslovnih aktivnosti i okruženja, prepoznavanje specifičnog rizika vezanog uz klijenta te postavljanje revizijskih programa prema utvrđenom riziku. Cjelokupan proces je podržan savremenim, integrisanim revizijskim software-om. Revizijski programi pregledaju se najmanje jednom godišnje kako bi se uzele u obzir eventualne promjene standarda, preporuke internog nadzora poslovanja kontrole kvalitete i eksternih regulatora, zajedno sa preporukama korisnika programa a kako bi se unaprijedila efikasnost rada.

U reviziji klijenata od javnog interesa, čijim se vrijednosnim papirima trguje na berzi ili se priprema izlazak na berzu, te kod ostalih klijenata gdje je utvrđen specifičan rizik i bira se na temelju svog iskustva i poznavanja klijentovog sektora poslovanja, obavezan je angažman drugog partnera. Drugi partner se obavezno mora uključiti u ključne stadije tokom revizije, uključujući planiranje, razmatranje značajnih revizijskih pitanja koja nastaju tokom obavljanja revizije te zaključenje angažmana.

## **5 Interni nadzor i provjera kvaliteta rada**

U maju 2015. godine, u skladu sa internim politikama i procedurama a koje se naslanjaju na odredbe Međunarodnog standarda za kontrolu kvaliteta 1 i usklađivanje relevantnih procedura i dokumentacije, sproveden je redovni nadzor poslovanja koji je obuhvatio period od 01. januara do 31. decembra 2014. godine i najmanje jedan završni revizijski angažman po menadžeru/voditelju revizije. Cilj ovakvog internog nadzora je provjera usklađenosti sa Međunarodnim revizijskim standardima.

Provjera kvaliteta rada od strane Baker Tilly International bila je obavljena u maju 2014. godine i prema politici kvaliteta i programu osiguranja kvaliteta koje mreža sprovodi naredna može biti očekivana u rasponu od 1 do 3 godine nakon sprovedene provjere. U 2015. godini, mreža nije najavila niti obavila formalnu kvalitetu rada.

## 6 Vanjski nadzor i provjera kvaliteta rada

U aprilu 2015. godine društvo je na zahtjev Revizorske komore Federacije Bosne i Hercegovine popunilo i predalo Godišnji upitnik za izvještajnu godinu 2014., koji se sastojao od pitanja vezanih za opšte podatke o društvu (vlasnička struktura, upravljačka struktura, broj i struktura zaposlenika), ostvarenim prihodima, primjeni Kodeksa etike profesionalnih računovođa, profesionalnom osiguranju, izvještajima o obavljenoj reviziji (izvršene revizije po sektorima, ukupan broj izvještaja, broj izvještaja po ovlaštenom revizoru, itd.).

## 7 Profesionalna etika i nezavisnost

Profesionalno i administrativno osoblje zaposleno u društvu je obavezno ponašati se u skladu sa politikom koja se odnosi na nezavisnost rada u društvu, odnosno u skladu sa Kodeksom etike profesionalnih računovođa (dalje u tekstu: Kodeks) i sa drugim relevantnim važećim propisima.

Svi zaposlenici najmanje jednom godišnje a obično na početku revizijske sezone u mjesecu septembru a dalje po potrebi i po prihvatanju novoga klijenta ili po zaposlenju, pismeno u obliku Izjave koju potpisuju zaposlenik i direktor društva, potvrđuju nezavisnost od finansijskog ili drugog interesa kod klijenata kod kojih se obavlja revizija. Također, društvo postupa u skladu sa pravilima i smjernicama mreže Baker Tilly International kod osiguranja nezavisnosti od klijenata revizije u mreži, nepostojanju finansijskih interesa kod klijenata revizije u mreži, i obavljanja ostalih, nerevizijskih usluga, za članice mreže, evidentirajući iste u internetskim bazama mreže.

Dalje, svi zaposlenici obavezno se pridržavaju o povjerljivosti podataka, u skladu sa Kodeksom. Ugovor o radu svakog zaposlenika sadrži odredbu „Tajnost poslovnih podataka Poslodavca i zabrana konkurencije sa poslodavcem“ i podrazumijeva obavezu zaposlenika da za vrijeme trajanja Ugovora o radu, u i van radnog vremena, te po prestanku radnog odnosa, poštuje i čuva kao tajnu informaciju koje saznaje a koje se odnose na društvo i klijente. Svi zaposlenici najmanje jednom godišnje a obično na početku revizijske sezone u mjesecu septembru a dalje po potrebi i po prihvatanju novog klijenta, pismeno u obliku Izjave koju potpisuju zaposlenik i direktor društva, potvrđuju da postupaju u skladu sa načelima povjerljivosti Kodeksa.

Uprava Društva je usvojila politiku rotacije partnera i menadžera revizorskog angažmana (odnosi se na pravna lica koja kotiraju na berzi), što je u skladu sa odredbama Međunarodnih revizijskih standarda i važećih Zakona o računovodstvu i reviziji na teritoriji Bosne i Hercegovine. U Društvu, ova politika podrazumijeva rotaciju partnera i menadžera revizije svakih 5 godina, i *cooling off* period od 2 godine.

## 8 Stalno stručno usavršavanje

Ovlašteni revizori i certificirane računovođe, kao i oni koji su u procesu sticanja odnosno zadržavanja zvanja revizora i računovođa prisustvuju seminarima u okviru programa kontinuirane profesionalne edukacije koji su u ponudi profesionalnih organizacija nad kojima nadzor vrši Savez računovođa, revizora i finansijskih djelatnika Federacije BiH a što je i u skladu sa politikom društva koja je u vezi sa stalnim usavršavanjem ovlaštenih revizora i certificiranih računovođa.

Uprava društva i ovlašteni revizori - menadžeri u reviziji imaju priliku prisustvovati godišnjim konferencijama koje organizuje mreža Baker Tilly International i u sklopu kojih aktivno učestvuju na sastancima i radionicama koje se odnose na reviziju, planiranje i implementaciju strategije, razmjenu iskustava i definisanju ciljeva.

Usavršavanje zaposlenika se provodi i kroz interne seminare čiji su facilitatori ili zaposlenici mreže i koje mreža certificira kao predavače ocjenjujući kriterije kao što su sadržaj i svrha seminara, prezentacijske vještine predavača, reakcije učesnika i stečena znanja i vještine, ili *senior* zaposlenici društva, sa iskustvom u prijenosu znanja. Ovakve obuke se odnose na tehnička područja primjene MSFI i MRS i standarda kvaliteta, te *soft-skills*.

Usavršavanje se obavlja i kroz *webinar-e* i *podcast-e* na temu računovodstvenih i revizijskih standarda i izmjena i dopuna tih standarda, poreza, i profesionalne etike, koje dizajnira i objavljuje centralni odjel za obuku i trening zaposlenika u Londonu na intranetu Baker Tilly International-a.

Usavršavanje zaposlenika se također provodi samoedukacijom, što podrazumijeva korištenje stručne literature koja je zaposlenicima na raspolaganju i koja obuhvata područja finansija, računovodstva, poreza, i prava, te korištenje internetskih baza podataka, članaka i drugih publikacija dostupnih kod relevantnih institucija i stručnih organizacija na temu struke i/ili djelatnosti u kojima naši klijenti posluju a na koje je društvo pretplaćeno.

## 9 Finansijski podaci

Prihodi društva u 2015. godini su kako slijedi:

Opis	Prihod u KM
Prihodi od usluga revizije	634.560,00
Prihodi od ostalih usluga	67.425,00
<b>Ukupno</b>	<b>701.985,00</b>

Ostale finansijske informacije za društvo dostupne su u Finansijsko-informatičkoj agenciji sa sjedištem u Sarajevu.

## 10 Primanja ovlaštenih revizora

Primanja zaposlenih ovlaštenih revizora koji potpisuju izvještaje o obavljenim revizijama su tajna ali su dostupni u pojedinačnim ugovorima u radu.

## 11 Popis društava od javnog interesa na teritoriji Republike Srpske u kojima je društvo obavilo reviziju u toku 2015. godine

Društvo je u 2015. godini obavilo reviziju finansijskih izvještaja Željeznica Republike Srpske a.d. Doboj-Doboj za godinu koja je završila 31. decembra 2014. godine.



Izveštaj odobrava:



Nihad Fejzić, direktor  
Baker Tilly Re Opinion d.o.o. Sarajevo

U Sarajevu, 28. marta 2016. godine

Baker Tilly Re Opinion d.o.o.  
Grbavička 4  
71000 Sarajevo

**T:** +387 (0) 33 552 150  
**F:** +387 (0) 33 552 152

[www.bakertillyreopinion.ba](http://www.bakertillyreopinion.ba)  
[info@bakertillyreopinion.ba](mailto:info@bakertillyreopinion.ba)

---

Baker Tilly Re Opinion je nezavisna članica mreže Baker Tilly International. Baker Tilly International Limited je engleska kompanija. Baker Tilly International ne pruža profesionalne usluge klijentima. Svaka firma članica je zasebna i nezavisna pravna osoba i svaka opisuje sebe kao takvu. Baker Tilly Re Opinion d.o.o. nije agent Baker Tilly International-a i nema ovlaštenje obavezati Baker Tilly International ili djelovati u ime Baker Tilly International-a. Ni Baker Tilly International, niti Baker Tilly Re Opinion d.o.o. ili bilo koja druga firma članica Baker Tilly International-a ima bilo kakvu odgovornost za postupke ili propuste jedni drugih. © 2016.